



Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 178. Inter Cæsarem & Botskaium Turcasque pax agitata.

[urn:nbn:de:hbz:466:1-67204](#)

memores constanter secum urbem de- Sæc. XVII.
 fenderent, hortatur, cum vero rem ad A.C. 1605.
 communem seditionem spectare, ac mi-
 lites jamjam arma projicere cerneret,
 tandem urbem dedere compulsus est;
 unde die tertia Octobris mille ferme
 numero egressi sunt, qui tradita arce,
 quam Christiani ultra decem annos pos-
 federant, ab ipso Hali - Bassa Comor-
 ram deducebantur, septuaginta ferme
 tormentis in urbe relictis præter du-
 centos Germanos milites, qui commo-
 tæ seditionis rei aut Christianorum sup-
 plicia veriti, aut Turcarum præmia
 sperantes unacum suis Tribunis Barba-
 rorum stipendia merere cæperant:
 Propudio so igitur hoc fato celebris hæc
 urbs per septuaginta octo annos Tur-
 carum jugo subdita permanerat, us-
 que dum anno Christi millesimo sex-
 centesimo octogesimo tertio die vigesi-
 ma septima Octobris eam Leopoldus
 Cæsar vicitribus armis recuperaverat.

§. CLXXVIII.

*Inter Cæsarem & Botskaium, Tur-
 casque pax agitata.*

Paulopost Hali Bassa Budæ non sine *Thuan. l.c.*
 veneni suspicione periit, cui Sén-
 dar Bassa suffictus propensum in san-
 ciendam pacem animum præferebat:

Uu 5. idem

Sæc. XVII. idem quoque studium simulabat Bos-
A.C. 1605. kaius, qui Homonaium Pannonionum
tumultuantum Ducem Pestam ab-
gabat, plena potestate facta de pos-
negotio agendi. Hic igitur cum Te-
carum Purpuratis Carpam venit, quod
Sigismundus Forgatsius eam ob cau-
sam a Cæsare decretus erat: Pris-
quam vero hoc de negotio ageret,
Regis Persarum Legati ad Cæsarem ve-
nere, supplices, ut bellum contra Turcas
omnibus viribus urgeret, nulloque
pacto ad pacem cum illis ineundam
propenderet. Placuit summopere hoc
consilium Cæsari, qui etiam exente
Mense Novembri Legatis aula dimis-
literas hujus ferme tenoris ad Perlanum
Regem deferendas tradebat: „Nihil
„quidem superioribus annis omis-
„quo Turca a finibus Pannoniæ propa-
„leretur: ast seditione quorumdam fe-
„lices armorum conatus retardati fu-
„re: nihilominus sperandum, brevires
„ita componi posse, ut totum Imperii
„robur absque impedimento in Turcas
„vertatur: sollicitatur æque Hispanie
„Rex, ut classe infesta per mediterrane-
„num Mare vires hostium distrahat:
„Pontifex quoque milite & pecunia cau-
„sam communem juvabit: „ Alteris
postea literis Cæsar Persarum Regi grata-
tes rependit, coquod is Christianos in
suo

fuo Regno tanta benignitate comple- Sæc. XVII.

xus esset, permissa ipsis Religionis suæ A.C. 1605.

libertate: Porro tertius Persarum Le-

gatus, qui ad Franciæ Regem missus *Mercur.*

fuerat, in Poloniam reversus, insigni *Gallo Belg.*

prorsus mendacio, Regem suum ad fi- l. 3. tom. 5.

dem Catholicam transiisse spargebat, p. 361.

inde majorem se legationi suæ gratiam

conciliaturum ratus: Ea res mox in

vulgaris disseminata, ac tam artificiose

conficta fuit, ut totam hujus commenti

seriem Author Mercurii Gallo - Belgici

suis commentariis inserere non dubita-

rit, in mendacii subfidium vocato quo-

dam Anglo Jesuita veluti hujus falsæ

conversionis Promotore: forte errandi

anfam præbuit conversio Regis Serræ

Leænæ, qui in India orientali hoc an-

no unacum quatuor liberis suis veræ

fidei accessit: utut res se habeat, id

certum est, quod Legati commentum

apud Saniores Regis Persæ fidem ad-

eo suspectam reddiderit, ut de sincera

pace actum videretur, præcipue post-

quam agitato pacis consilio Botskaius

ad Canisæ fines in mille Italos irruens,

trucidatis eorum trecentis pecuniam a

summo Pontifice submissam abstulerat,

eodemque tempore Tartari in prædas

effusi Botskainis imixti Cæsareos in ca-

stris securos opprimere attentaverant,

inde tamen non sine magna clade re-

pulsi.

Sæc. XVII. pulsi. Nihilominus Fogatsius & St.
A.C. 1605. phanus Illishascius primarius Hunga-
 riæ Regulus Viennam ad Mattheum
 Archiducem, quem Hungari sibi in-
 gem deposcebant, profecti de pacis con-
 ditionibus agere cœperant, tota inter-
 rim Transylvania & Moldaviæ ac Va-
 lachiæ Proceribus in Botskaii verba
 jurantibus.

§. CLXXIX.

*Moravia, Stiria, Austria & vicinæ
 Regiones a seditionis militibus
 devastatæ.*

Thuan. t. c. Jam die vigesima quinta Martii tumul-
Sleidan. tuantes Pannonii datis ad Bohemiam,
contin. l. II. Silesiæ & Moraviæ Proceres literis sum-
Mercur. a Cæsare ad Turcas defectionem, ne-
Gallo Bel. t. 5. p. 336. non sœviendi libidinem sectæ sue de-
 pressæ obtentu tegere, atque excusare
 nitebantur, contestatione facta, quod
 coacti ad arma pro juribus Regni &
 tuenda conscientiarum libertate deve-
 nerint, nullatenus autem contra Chris-
 tianos Principes (sed verius pro Lutheri
 & Calvini Sectatoribus) sed adverios
 Pontificis tyrannidem, ejusdemque
 mancipii Regis Rudolphi, qui ejus iudicio
 ipsos exterminandos suscepisset, bellum
 gerere compulsi fuissent: His literis fat-
 luculenter declarabant, quod unice
 sectæ